



ニフジェー

Nifj Press Release

Newa International Forum Japan

Founded in August 2003 [N.E.1123]

プレスリリース

Wedday 15th August 2007, Tokyo

१३दँ विश्व आदिवासि न्हिया लसताय् कासा, अन्तक्रिया व क्वाति भोय् ज्याइवः

लुम्बिनी वज्राचार्य
तोःक्योः, अःगष्ट, १५

**13th World Indigenous Peoples' Day
Sports, Interaction and Kwati Party
12 August 2007
Organized by
Newa International Forum Japan**

नेवाः अन्तर्राष्ट्रीय फोरम जपानँ, दयदसँ हनावया च्वन्गु क्वाति पुन्ही (क्वाति त्वनेगु प्रथा) या नापँ, १३दँया विश्व आदिवासि न्हि, वंगु आइतवाः न्हिचिछयंक तोःक्योःसँ हन। उखुनु न्हिनसिया पायछि १ ताइले तोःक्योः नापसँलागु पर्यटक समुद्रवारी कातासे इनोसिमा आइलन्डय जूगु भेलाय्, लालकासा, भुतुमालि ब्वयेकेगु, चाम्पटि व पाँनदस कासाया प्रतियोगिताँ न्ह्यागु थ्व ज्याइवः सन्ध्याया ६

ताईले सागामिओःनोया नेपाली रेष्टुराँ अनिताय् अन्तक्रिया व क्वाति भोय् नयगु याना, न्हू नेपाःया निर्माणय् आदिवासितयेगु भुमिका बारे थःथःगु बिचाः आदान प्रदान यायेगु ज्या जुल।

ज्याइवःया न्हापाँगु चरणे आयोजित कासाय्, विशेषयाना मचामस्त, युवापिँ, परिवारया उल्लेखयाय् बहःकथँ न्ह्याइपूगु उपस्थिति खनेदूगु खःसा, ल्यूगु ज्याइवःले, विदेसय् बास याना च्वँसाँतबिनं थःगु मातृभूमिप्रति थःथःगु माया व ममताया बिचाः प्वंकेगु ज्या जुल।



नेवाः अन्तर्राष्ट्रीय फोरम जपानया नकीँ कतोः ज्ञानु मानन्धर मयजुया सभापतित्वय् व मूख्यानजे सुवर्ण वज्राचार्य यापाखँ संचालनँ जूगु अन्तक्रिया व क्वाति भोय् ज्याइवःया उद्देश्यया बारे धयादिसे, मूख्यानजे वज्राचार्य, बहुतायत जनताया देस नेपाःया नागरिक झीपिँ न्ह्याथाय् च्वँसाँ, झी सकसिगु मेलमिलाप व एकतायात प्रोत्साहन बियेगुहे थउँया ज्याइवःया मुख्य उद्देश्य खः। आ देकीगु न्हू नेपाःया निर्माणय् नं, झीपिँ सकसिगु दायीत्व दयेमागु बारे, उपस्थित सकसिगु ध्यानाकर्षण यानादिल।

ज्याइवःलय् भिन्तुना देछानादीसे, नेवाः अन्तर्राष्ट्रीय फोरम जपानया संस्थापक नायः माधव मानन्धर भाजुँ १३दँया विश्व आदिवासी न्हिया लसताय् नेपाःया आदिवासी जनजातित, नेवाः समुदाय नापँ सकल नेपाःमि जनताया बारे चर्चा यानादिसे, नापँ क्वाति पुन्ही व नेवाः अन्तर्राष्ट्रीय फोरम जपानया उद्देश्य व ज्याखँया बारे विस्तृत रूपँ चर्चा याना दिल।

ज्याइवःयादुने, क्वाति भोय् लिपा बिचाः प्वंकादीपिँ सकसिनं थूगु १३दँया विश्व आदिवासी न्हिया ज्याइवः ताःलाय् मा धका भीतुना दीगुखःसा, सकल नेपाःमितयेगु छधी छपाय् जुयेमाःगु खँय् सकसिनं वाःचाय् का कागु खनेदत। सनो मासाशि व उपेन्द्र शाक्य भाजुपिसँ म्येहाला, ज्याइवःयात न्ह्याइपुइका दिल।

ज्याइवः क्वचायकूसे, सुभाय देछायादीम्ह फोरमया नकीँ कतोः ज्ञानु मानन्धर मयजुँ, नेपाःमि झीगु एकताया सुरुहे थुजोगु मुनाज्याइवहे खः। गुलि झी नापालालाँ वनेदत, उलिहे बाँलाक्क म्हसिया वइ। उकीँहे छम्हछम्हेसिया प्रति मैत्री ब्वलना वइ धया दीसे, आवइगु सेप्टेम्बर ८ व ९ तारिकय् तोःक्योः हिबिया पार्क आयोजना जुइगु नेपाल डे फेस्टिबलसँ सकसिगु उपस्थितिया लागी इनाप यानादिल। नेवाः अन्तर्राष्ट्रीय फोरम जपान, नेपाल डे फेस्टिबलया छगु सम्पुक्त आयोजक खः।



फोटोः- कान्चन मानन्धर